

Demên bendewariyê ji bo we yên ku daxwaza penaberiye (asyl) kirine

Gelek daxwazker demeke dirêj li benda bersiva daxwaza xwe ya penaberiye mane. Em dizanin ku li bendemayin zor e.

Ev in dosyeyên ku em niha li ser wan dixebitin

Heta havîna 2026'an em daxwazên penaberiye (telebên) yên kesên ku

- Di sala 2023an de
- Ji meha kanûna duwem – hezîrana 2024an

daxwaza penaberiye kirine. Lê em ê nikaribin hemû dosyeyan berî havînê biqedînin. Qaideya esasî ewe ku pêşî kevintirîn daxwazên penaberiye tene mi'alecekirin.

Çawa UDI dosya te mi'alece dike?

Hin dosye zûtir tene mi'alecekirin

Gelek kes ji welatên cuda daxwaza penaberiye dikin. UDI nikare hemû daxwazên penaberiye yekser mi'alece bike. Daxwazên hin komên daxwazkeran divê zûtir bêne mi'alecekirin. Yên ku dikevîne ber vî tiştî ev kes in:

- yên ku daxwazên wan li gorî peymana Dublinê tene mi'alecekirin, ku di piraniya rewşan de divê daxwazkerê penaberiye here welatekî din ê Ewropayê da ku dosya wî li wir were mi'alecekirin
- yên ku UDI bi awayekî eşkere dibîne ku ne hewcedarê penaberiye ne, mîna kesên ku ji welatekî ewle ne û dikarin zû vegerin welatê xwe
- malbatên xwedî zarok û zarokên ku bêtir dê û bavên xwe an kesên ku ji guhdana wan berpirs in, hatine vir, bi gelemperî divê dosyeyên wan zûtir bêne mi'alecekirin

Ger tu ne ser bi yekê ji van koman bê, dibe ku demeke dirêj derbas bibe berî ku tu werî gazîkirin bo hevpeyvînê û daxwaza te were mi'alecekirin. Ev nayê wateya ku di dosya te de tiştêkî xelet heyê an jî me tu jibîr kiriye.

Dema ku tu li Navenda Gihîştina Penaberan a Neteweyî dimînî

Hemû kesên ku li Norwêcê daxwaza penaberiye dikin, pêdivî ye ku pêşî daxwaza xwe a penaberiye li Navenda Gihîştina Penaberan a Neteweyî (Nasjonalt ankomstsenter) tomar

bikin. Li vir tê tenê demeke kurt bimînî, ji ber ku divê cih ji bo kesên ku nû dighin were valakirin.

Piraniya kesan divê herin kempên penaberan yên asayî ('adî) û li wir li benda hevpeyvînê û bersivê bimînin.

Tu weku daxwazkerê penaberiye, nikarî hilibijêrî an tasîrê bikî li ser ka dê hevpeyvîn bi te re li Navenda Gihîştina Penaberan a Neteteyî were kirin an na. Ev girêdayî ye bi hejmara kesên ku di eynî demê de weku te daxwaza penaberiye kirine.

Dema ku tu li kema penaberan a asayî dijî

Eger UDI, berî ku tu biçî kempeke asayî, bi te re hevpeyvîn nekiribe, dibe ku demeke dirêj derbas bibe berî ku tu werî gazîkirin bo hevpeyvînê û bersiva daxwaza te were dayîn.

Bandora cihê lêjiyanê li Norwêcê li ser demên bendewariye tune.

Ger tu li navnîşaneke taybet bijî

Ger tu li navnîşaneke (adrêseke) taybet bijî, wekî li cem malbatê an hevalan, dê demên bendewariye her weku yên kesên ku li kempên asayî dijîn be. [Girîng e ku tu navnîşan, e-name \(e-mail\) û hejmara telefona xwe bidî me](#), da ku em bikarin ji bo hevpeyvînê û bersivê bi te re têkiliye daynin.

UDI çi bi dosya te dike di dema ku tu tede li benda bersivê yî?

Dema ku tu daxwaza penaberiye dikî, em daxwaza te dixin rêza bendewariye heta ku dem bi yekî ji xebatkarên me re çêbibe ku li dosya te binêrê û wê mi'alece bike. Ev tê wê wateye ku dosya te li UDI hîn ne di destê kesekî diyarkirî de ye heta ku tu werî gazîkirin ji bo hevpeyvînê. Lê piştrast be, em tu dosyeyan jibîr nakin.

Çima kirina hevpeyvînê bi te re wextekî dirêj dixwaze?

UDI demeke dirêj diveqetîne ji bo hevpeyvîna penaberiye, bi gelemperî rojêke tamam. planekirineke mezin ji her dosyê re lazim e. Ji ber vê yekê kirina hevpeyvînê bi hemû kesan re ku tene Norwêcê wextekî dirêj dixwaze.

Piştî hevpeyvînê çiqas wext diçe heta ku bersiv were dayîn?

Di piraniya dosyeyan de UDI dikare zû piştî kirina hevpeyvînê bersivê bide. Lê hin caran em neçar in demeke dirêjtir bikar bînin. Dibe ku lazim bibe ku em hûrtir li agahiyên ku te dane me binêrîn, an jî dibe ku rewşa welatê te li me ferz bike em zêdetir li ser rewşê bizanin berî ku em dosya te mi'alece bikin. Di rewşeke wisa de dibe ku dayina bersivê wextekî dirêjtir bixwaze. Lê hemû kes dê bersivê bistînin.

Tu dikarî çi bikî da ku dosya te zûtir bi pêşve here?

[Eger li cem te belgeyên \(wesîqeyên\) nasnameyî hene ku te hîn ne dane polîs, divê tu wan di zûtirîn wext de radestî polîs bikî.](#)

- Eger di destê te de belgeyên orjînal hebin, divê tu wan radestî polîsê herêma xwe bikî
- Eger di destê te de kopî an wêneyên belgeyan hebin, divê tu wan ji UDI re bişînî

Girîng e ku hemû belgeyên ku di dosya te de ne bighin destê UDI berî hevpeyvînê. Bi vî awayî tu dikarî alîkariye bikî ku mi'alecekirina dosya te demeke dirêjtir ji pêwîst negre.

UDI dikare çî agahîyan li ser demên bendewariyê bide te?

Gelek kes bi UDI re têkiliyê dikin da ku li ser demên bendewariyê bipirsin. Em nikarin li ser telefonê tu agahiyên din ji bilî yê ku li ser malpera udi.no hene bidin te.

Eger ji bo mi'alecekirina dosya te agahiyên zêdetir hewce bikin, em ê bi te re têkiliyê daynin.

Gelo daxwaza te a penaberiya dikare di dorê de were pêşxistin?

Piraniya kesên ku daxwaza penaberiya dikin dixwazin ku dosya wan zû were mi'alecekirin. Divê tiştekî pir taybet di rewşa te de hebe heta ku daxwaza te a penaberiya were pêşxistin di dorê de.

Nûkirina agahîyan

Cara dawî agahî di nîsana 2026an de hatibûn nûkirin.

Ev agahî dê berî 1ê tîrmeha/temûza 2026'an werin nûkirin an jî zûtir eger guhertinên mezin çêbibin.

